

յիշատակարանները, որոնք ոչ միայն թուվմայի կեանքի այլ և այլ կողմերն են լուսաբանում, այլ և պատմական և մատենագրական հրեոյթներ: Այգ յիշատակարաններից մի քանիսի մէջ նկարագրուած են նոյն իրողութիւնները, ինչ որ և Լանկթամուրի պատմութեան մէջ, բայց միշտ նոր գծերով և մանրամասնութիւններով: Ներկայիս հրատարակուած ենք յայտնի մեր մատենադարանի №№ 2065, 1380, 3892 և Երուսաղէմի № 149 ձեռագիրների յիշատակարանները (Գ. Ե. Է և Գ. Նոր Նիւթերի մէջ. միւսները ուրիշների գրածն են, բայց թուվմայի մասին տեղեկութիւններով): Գ. յիշատարանն օրինակ, գրուած ՊԾԹ (=1410) թուին, առ քննարկ պատմական-մատենագրական է Տաթևացու կեանքի վերջին տարուայ վարժապետական և գրական գործունէութեան, թուվմայի վարդապետական աստիճան ստանալու և նորա հոգևոր և մարմնաւոր հարազատների մասին տուած տեղեկութիւններով: Նոյնպէս շատ կարևոր է Ե-ով նշանակուած յիշատակարանների խումբը (№ 1403/1380) թուվմայի հոգևոր և մարմնաւոր հարազատների, Շահուռհի և Սքանդարի և իւր փախստեան մասին դէպի Բաղէշի կողմերը և՛ն: Բայց մեր հաւաքածներով չի սահմանափակուում թուվմայի յիշատակարանների թիւը. նա իւր ժամանակի յայտնի «քաջ քարտուգար»-ներից կամ գրիչներից մէկն էր և գրչութեան ուսուցիչ. իւր արտագրած ձեռագիրների վերջում անշուշտ թողել է յիշատակարաններ*, որոց նմուշներն ունինք ձեռքի տակ: Պէտք է հետամուտ լինել, երևան հանել և մատչելի դարձնել հայ բանասիրութեան: Հէնց այս տողերը գրուած էին և յանձնուած տպագրութեան, երբ մեր ձեռքն ընկաւ № 558/590 ձեռագիրը, արտագրուած թուվմայի պատրաստած օրինակից, «ձեռամբ յոգնամեղ և բազմավէր ոգոյ Յոնան գրչի Սրեցոյ»: Կիրակոս Բանասէրից գիտէինք, թէ թուվման «գրեաց ընտիր և անսղալ աղաւթամատոյց և մեկնիչք և տունացոյց ի լաւ օրինակաց»: Եւ ահա այս ձեռագիրը և նորա մէջ պահուած թուվմայի յիշատակարանը** մեզ լիովին տեղեկութիւն են տալիս այդ մասին: Յիշա-

* Տաշեան. Յուդակ, 733. Թովման 1454 թուին գրել է Աստուծաբանի «Բ» ձեռագր. հասի մեկնությունն որոշ մասերը և համառոտ յիշատակարան աւելացրել զերջում: Թովմայի գիրը տես «Շողակաճ» հայագիտական ժողովածու Ա. Գիրք, մեր աշխատությունը. «Բարտեղ հայ հնագրությունն». Տախտակ 2Բ. պատկ. 156.

**** Մատ. Ս. Էջմ. № 538/590. 202ա. Թումայ վարդապետեհին է. Արդ ես մեղադարտա ի ծնունդս եկեղեցւոյ Թումայ անուն պիտակ վրդպ ի Քաջբերունեաց զաւառէ ի սբ ուխտէն Մեծոփայ. ի կարգէ աշակերտաց մեծ վարժապետացն Սարգսի եւ Վարդանայ եւ Գրգորի Տա-**